

ՀՀ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ՏՆՕՐԻՆՈՒԹՅԱՆ ՏԱԿ ԳՏՆՎՈՂ
ՏԵՂԵԿԱՏՎԱԿԱՆ ՀԱՄԱԿԱՐԳԵՐԻ ԵՎ ՕԳՏԱԳՈՐԾՄԱՆ ՄԱՍԻՆ

ՀՀ կառավարության գործունեության ծրագրին համապատասխան ՀՀ Վայոց ձորի մարզպետի և մարզպետարանի կողմից կատարվող աշխատանքների մասին հասարակայնությանը տեղեկատվություն է ապահովում Վայոց ձորի մարզպետարանի աշխատակազմի տեղեկատվության և հասարակայնության հետ կապերի բաժինը:

Բաժինն այդ խնդիրն իրականացնում է մարզպետարանի կայքի և զանգվածային լրատվամիջոցների միջոցով:

Բաժինն իր հիմնական խնդիրներին և նպատակներին համապատասխան՝ կազմակերպում և անց է կացնում մարզպետի և այլ պաշտոնատար անձանց մամուլի ասուլիսներ, հարցազրույցներ, ճեպագրույցներ, հրապարակում է հայտարարություններ՝ մարզպետարանի գործունեության ոլորտին առնչվող հասարակական հետաքրքրություն ներկայացնող թեմաների վերաբերյալ, պատրաստում է մամուլի հաղորդագրություններ, օրվա մամուլի տեսությունը, պատրաստում և տարածում է մամուլի հաղորդագրություններ: Իր իրավասությունների շրջանակներում հանդես է գալիս պարզաբանումներով ու հայտարարություններով, ծանուցում է մարզպետին և այլ պաշտոնատար անձանց՝ զանգվածային լրատվության միջոցներում տեղ գտած կարևոր նյութերի մասին և անհրաժեշտության դեպքում ապահովում դրանց օպերատիվ արձագանքը: Զանգվածային լրատվության միջոցներով ներկայացնում է առաջարկություններ:

Կազմակերպում է աշխատանքային հանդիպումներ զանգվածային լրատվության միջոցների ներկայացուցիչների հետ, այդ թվում՝ մարզպետի և այլ պաշտոնատար անձանց մասնակցությամբ, մարզպետարանի գործունեության պատշաճ լուսաբանման կազմակերպման նպատակով մարզպետարանի մյուս ստորաբաժանումներից ստանում է անհրաժեշտ տեղեկություններ և նյութեր, այդ թվում՝ մշակվող իրավական ակտերի նախագծերի պատճենները և անհրաժեշտության դեպքում, կազմակերպում է դրանց լուսաբանումն ու հանրային քննարկումը, ամփոփում և վերլուծում է մարզպետարանի գործունեության ոլորտին առնչվող զանգվածային լրատվության միջոցների նյութերը, մասնակցում է մարզպետարանում անցկացվող նիստերին, խորհրդակցություններին, քննարկումներին, բանակցություններին, պաշտոնական և աշխատանքային այլ միջոցառումներին և ապահովում է դրանց հրապարակայնությունը:

Տտեղծում է վերլուծական և այլ նյութերի համակարգված արխիվ, տեխնիկական հնարավորությունների առկայության դեպքում՝ պատրաստում է տեսանյութեր, իրականացնում է մարզպետարանի ինտերնետային էջի տեղեկատվական սպասարկումը:

Օրենքով սահմանված կարգով հասարակությանը տեղեկացնում է քաղաքացիների դիմումների, բողոքների, առաջարկությունների վերաբերյալ մարզպետարանի աշխատակազմի համապատասխան ստորաբաժանումների կողմից մշակված արդյունքների մասին:

Իր առջև դրված խնդիրները պատշաճ իրականացնելու համար համագործակցում է այլ մարզպետարանների և պետական մարմինների համապատասխան ստորաբաժանումների հետ, իրականացնում է օրենքներով և այլ իրավական ակտերով իրեն վերապահված այլ գործառույթներ:

Բաժնում առկա է հեռախոսակապ (+374281)2-40-03 հեռախոսահամարով, ֆաքս՝ (+37410)28-18-32 հեռախոսահամարով, ինչպես նաև ինտերնետ կապ, որոնց շնորհիվ բաժնի աշխատանքներն առավել արդյունավետ են կազմակերպվում:

Բաժինը ֆիզիկական և իրավաբանական անփանց տրամադրում է նաև անհրաժեշտ տեղեկություններ մարզում գործող հասարակական, կրոնական կազմակերպությունների, ազգային փոքրամասնությունների վերաբերյալ: Վայոց ձորի մարզպետարանի աշխատակազմի Տեղեկատվության և հասարակայնության հետ կապերի բաժինն ապահովում է «Տեղեկատվության ազատության մասին» ՀՀ օրենքով սահմանված գործառույթների ամբողջական իրագործումը և տնօրինման տակ գտնվող տեղեկատվությունների մատչելի մատուցումը: Մամուլի ասուլիսները, ճեպագրույցները, շնորհանդեսները հաշվետվությունների ներկայացումը, սեմինարները, կլոր սեղանները և հանդիպում-քննարկումներն իրականացվում են ինչպես մարզպետարանի խորհրդակցությունների դահլիճում, այնպես էլ մամուլի ակումբներում: